

DIREKCIJA ZA PUTEVE KANTONA SARAJEVO, ulica Hamida Dizdara broj 1, 71000 Sarajevo (u daljnjem tekstu naručilac) koga zastupa direktor Selmir Kovač, dipl.ing.saobr.

i

TERRA FORMING ELEVATORS & ESCALATORS d.o.o. Sarajevo, ulica dr. Fetaha Bećirbegovića 8a, 71000 Sarajevo (u daljnjem tekstu izvođač) koga zastupa direktor Adnan Semić, dip.ing.mašinstva zaključuju

UGOVOR

Redovno održavanje liftova u pothodniku na Južnoj longitudinali u Sarajevu

Član 1.

Predmet Ugovora je pregled, dijagnosticiranje trenutnog stanja, te generalni servis 3 (tri) lifta uz nabavku nedostajućih dijelova neophodnih za neometan rad liftova, redovno mjesečno održavanje 3 (tri) lifta koja se nalaze u pothodniku Južne longitudinalne, te kontrola i pregled liftova sa izdavanjem potvrde za upotrebu u skladu sa važećom zakonskom regulativom, u skladu sa Pravilnikom o tehničkim normativima za liftove na električni pogon za vertikalni prevoz osoba i tereta (Naredba o sigurnosti liftova br. 99/12 i BAS EN 81 standardi), a sve u sklopu ponude ponuđača broj: 03/08/21 od 25.08.2021. godine.

Član 2.

Izvođač se obavezuje da će izvršiti pregled, dijagnosticiranje trenutnog stanja, te generalni servis 3 (tri) lifta koja se nalaze u pothodniku Južne longitudinalne uz nabavku nedostajućih dijelova neophodnih za neometan rad liftova, redovno mjesečno održavanje 3 (tri) lifta, te kontrola i pregled liftova sa izdavanjem potvrde za upotrebu u skladu sa važećom zakonskom regulativom, uz saglasnost Naručioca u skladu sa Pravilnikom o tehničkim normativima za liftove na električni pogon za vertikalni prevoz osoba i tereta (Naredba o sigurnosti liftova br. 99/12 i BAS EN 81 standardi) .

Prijedlog popravki, revizije ili remonta lifta sa opisom radova daje Izvođač, na osnovu stanja i potrebe lifta po svom nalazu, po zahtjevu stručne službe za nadzor ispravnosti i bezbjednosti rada lifta u eksploataciji, ili po nalazu stručne službe za povremenu tehničku kontrolu rada lifta.

Član 3.

Sve radove koje Izvođač izvodi na liftovima, iz predmeta redovnog servisiranja i zamjene pojedinih elemenata, kao i remontu i veće popravke, registruje u knjigu održavanja koja se nalazi u mašinskom prostoru lifta. Registrovani radovi u knjizi održavanja su i potvrda o izvršenim dogovorenim obavezama.

Član 4.

Izvođač se obavezuje da će održavanje lifta vršiti preko vlastite servisne službe. Prijave o nastalom kvaru i zastoju lifta podnose se servisnoj službi Izvođača.

Izvođač se obavezuje da na poziv Naručioca, ili, njegovog predstavnika, a u vezi nastalog kvara na liftu, interveniše u toku istog dana, ili najkasnije u toku slijedećeg radnog dana.

Izvođač se obavezuje da će generalni servis liftova izvršiti u roku do 10 (deset) dana od dana potpisivanja Ugovora.

Član 5.

Ovim Ugovorom Izvođač ima obavezu da obavijesti predstavnika Naručioca u slučaju obaveze hitnog djelovanja i spašavanje osoba iz kabine lifta, u slučaju kvara lifta, ili, nestanka električne energije.

Član 6.

Izvođač je obavezan za korisnike lifta, dati upustvo o upotrebi i korištenju lifta.

Član 7.

Naručilac se obavezuje da će Izvođaču za radove navedene u članu 1. i 2., ovog Ugovora, na osnovu redovnog održavanja isplatiti iznose po ispostavljenim fakturama za izvršene radove.

Ukupan iznos na koji se potpisuje ovaj ugovor iznosi:

4.194,45 KM sa pdv-om

(slovima: četirihiljadestotinudevedesetčetiri i 45/100 KM)

(3.585,00 KM bez pdv-a)

Član 8.

Ukoliko dođe do promjene cijene rada i materijala na tržištu, Izvođač može predložiti Naručiocu promjenu cijene definisane u Ugovoru. Promjena cijena može se izvršiti samo uz saglasnost Naručioca.

Član 9.

Za sve izvršene radove u okviru ovog Ugovora Izvođač radova će ispostavljati odgovarajuću fakturu za svaki izvršeni posao.

Uz fakturu obavezno treba priložiti radni nalog sa specifikacijom izvršenih radova. Radni nalog treba biti potpisan od strane ovlaštenog predstavnika.

Naručilac poslova je dužan da račun za izvršene poslove plati u zakonskom roku. Sve poreske obaveze moraju biti uključene i posebno iskazane u sklopu ispostavljenog računa.

Član 10.

Za redovno održavanje uz fakturu, Izvođač prilaže potpisanu realizaciju od strane predstavnika Naručioca.

Član 11.

Nadzor na izvođenju radova će vršiti Naručilac.

Član 12.

Stavljanje lifta van upotrebe obavlja Izvođač uz zapisnik koji je obavezan sačiniti.

Lift se stavlja van upotrebe u slijedećim slučajevima: po nalogu Izvođača (ako je lift opasan po život), po nalogu nadležnog inspeksijskog organa i po nalogu Naručioca.

Član 13.

Lift koji nije u funkciji više od 15 dana ne obračunava se za naknadu usluge redovnog održavanja.

Član 14.

U slučaju potrebe za dodatnim većim investiranjem u postrojenje lifta, Izvođač je dužan osigurati stručno lice za tumačenje potrebe dodatnog investiranja u dogovoru sa Naručiocem.

Član 15.

Izvođač radova garantuje da će sve radove iz obima ugovorenih radova, obaviti stručno i kvalitetno.

Član 16.

Reklamacije na kvalitet izvršenih radova Naručilac će dostaviti pismeno Izvođaču radova u roku od tri dana, a za rezervne dijelove u garantnom roku.

Izvođač se obavezuje da za svaku pismeno dostavljenu reklamaciju dostavi Naručiocu objašnjenje o svom postupku po prijavljenoj reklamaciji, u roku od tri dana.

Član 17.

Sve eventualne sporove koji bi nastali prilikom primjene ovog Ugovora stranke će nastojati riješiti medusobnim sporazumom.

Ukoliko se do sporazuma na taj način ne bi moglo doći, spor će se rješavati pred nadležnim sudom u Sarajevu.

Član 18.

Sve informacije koje su predmet ovoga Ugovora predstavljaju poslovnu tajnu i dostupne su samo ugovorenim stranama.

Član 19.

Ugovor stupa na snagu od datuma obostranog potpisivanja, a zaključuje se na period od 6 (šest) mjeseci. Ugovorne strane mogu radove iz ovog Ugovora otkazati sa otkaznim rokom od 30 (trideset) dana.

Član 20.

Ovaj Ugovor je sačinjen iz 6 (šest) istovjetnih primjeraka, od kojih 3 (tri) primjerka zadržava Naručilac, a 3 (tri) zadržava Izvođač.

IZVOĐAČ RADOVA:

Annan Semić, dip.ing.mašinstva
Direktor

**TERRA FORMING ELEVATORS &
ESCALATORS d.o.o. Sarajevo**

Broj:

Datum:

01/09/21

01.09.21,



NARUČILAC:

Selmir Kovač, dipl. ing. saobr.
Direktor

Direkcija za puteve Kantona Sarajevo

Broj: 04-11-29136/21

Datum: 27.08.2021. godine

PREDMJER RADOVA

RB.	OPIS STAVKE	JEDINICA MJERE	KOLIČINA	JEDINIČNA CIJENA	UKUPNO
1	Pregled, dijagnosticiranje trenutnog stanja, te generalni servis liftova uz nabavku nedostajućih dijelova neophodnih za neometan rad liftova (ugradnja automatskih osigurača 25-35A za sva tri lifta sa potrebnom izmjenom kablova u napojnom ormaru; nabavka i ugradnja 18 LED lampi (sa ležištem) sa nitovanjem (zbog osiguranja od otuđenja) u kabinama lifta; nabavka i ugradnja elektronske ploče na kabini lifta)	kom	3	415,00	1245,00
2	Radovi na redovnom održavanju liftova na mjesečnoj bazi	mj	6	240,00	1440,00
3	Kontrola i pregled liftova sa izdavanjem potvrde za upotrebu u skladu sa važećom zakonskom regulativom	kom	3	300,00	900,00
UKUPNO BEZ PDV-a					3585,00
PDV-a					609,45
UKUPNO SA PDV-om					4194,45



Senid
25.08.21.

